

01 JUN 2001

AGONG UCAP TAHNIAH KEPADA PRESIDEN ITALI

KUALA LUMPUR, 1 Jun (Bernama) -- Yang di-Pertuan Agong Sultan Salahuddin Abdul Aziz Shah telah mengirim perutusan tahniah kepada Presiden Itali, Carlo Azeglio Ciampi sempena sambutan Hari Kebangsaan ke-55 negara itu.

"Beta dengan ikhlasnya berharap agar hubungan mesra dan kerjsama yang sedia terjalin antara kedua-dua negara akan diperkukuhkan lagi pada masa akan datang," titah Seri Paduka dalam perutusan itu.

Menurut Wisma Putra, Perdana Menteri Datuk Seri Dr Mahathir Mohamad juga menghantar perutusan serupa kepada rakan sejawatannya Silvio Berlusconi, dengan harapan agar hubungan Malaysia-Itali akan dipertingkatkan lagi.

"Malaysia dan Itali sentiasa menikmati perhubungan ekonomi dan perdagangan yang rapat," katanya.

-- BERNAMA

AT AZZ NMO